



Crisis Theologica

Cárdenes, Juan de

Sevilla, 1687

Cap. IV. An subiaceat huic damnationi, qui vtitur opinione probabili, relicita
tutori, non solum in administratione, sed etiam in receptione Sacramenti?

[urn:nbn:de:hbz:466:1-75689](#)

PROPOSITIO I.

73

CAPVT IV.

*An subiaceat huic damnationi,
qui utitur opinione probabili,
relicta tuitori, non solum in ad-
ministratio-ne, sed etiam in re-
ceptione Sacramenti?*

SVMMARIVM.

Opinio affirmans non subiacere damnationi, imo & aliquando licere. n. 27.

*Quomodo peccet, qui in receptione Sa-
cramenti utitur opinione probabili,
relicta tuitori? n. 28,*

*Quomodo sit illicitum, quod recipiens
Sacramentum, illud exponat frus-
trationi. n. 29.*

*Quam certum sit, attritionem suffi-
ce-re ad valorem Sacramenti? remissi-
ve. n. 30.*

*Quomodo opinio de confessione valida
informi non versetur circa valorem?
remissive. n. 31.*

*Quomodo nihil inferatur ex eo, quod
obligatio recipientis minor sit, quam
ministri. n. 32. & seqq.*

*Quomodo fideles non possint renuncia-
re favorem, sive fructum Sacra-
menti? n. 35.*

*Quomodo opinio de attritione cognita
non versetur circa valorem, remissi-
ve. n. 36.*

*Non peccat contra charitatem, qui ab-
solvit eum qui vult uti opinione mi-
nus probabili, qua non versatur cir-
ca valorem. remissive. n. 36.*

*Propositio docens, non peccare cum, qui
in receptione utitur probabili, reli-
cta tuitori, non damnatur expresse.
n. 37.*

*Prefata propositio damnatur virtu a-
liter. n. 38.*

*Quomodo ex prefata propositione cer-
to inferatur propositio damnata. n.
39. & seqq.*

27. **Q**uestio in titulo proposita
inquirit, an haec damna-
tio comprehendat non

solum opinionem, quæ loquitur de
ministro Sacramenti, sed etiam eam,
quæ loquitur de recipiente Sacra-
mentum. Mag. Hozes in explicatione hu-
ius primæ propositionis num. 9. & n.
23. affirmat, haec damnatione non
comprehendi usum opinionis proba-
bilis, relicta tuitori, in receptione Sa-
cramenti, sed solum in administratio-
ne: quia propositio damnata solum
loquitur expresse de administratione,
& non de receptione. Imo affirmat,
aliquando esse licitum recipiendi, vt
eiusmodi opinione probabili, quam-
vis exponat Sacramentum frustratio-
ni. Et apponit exemplum in eo, qui
accedit ad Sacramentum Pœnitentiæ
cum sola attritione cognita; itē in eo
qui contentus est se fecisse confessio-
nem informem.

28. Dico primo. Peccat lethæli-
ter, qui in receptione Sacramenti uti-
tur opinione probabili, relicta tuitio-
ri. Ita P. Suarez tom. 4. in 3. p. disp.
27. sect. 6. vbi pariter loquitur de mi-
nistro, & de recipiente, quem multi
alij sequuntur. Et ratio est. Nam Sa-
cramenta instituta sunt ad hoc, vt fi-
deles fructum eorum percipiant: ergo
contra institutionem Sacramenti est,
quod fideles impediunt fructum Sa-
cramenti, sive administrantes, sive re-
cipientes.

29. Confirmatur. Nam quod Sa-
cramentum, & fructus eius expona-
tur frustrationi, est omnino illicitum;
nam ob eam rationem id non licet
Ministro: ergo quicumque exponit
Sacramentum frustrationi, sive admi-
nistrando, sive recipiendo, peccat gra-
viter.

30. Exempla quæ obijciuntur,
nihil probant. Non primum. Nam vt
ostendam cap. 6. art. 2. quæst. 1. attri-
tionem sufficere ad valorem Sacra-
menti

K

menti

menti poenitentia, non est dumtaxat probabile, sed omnino certum. Opinio autem de attritione cognita non versatur circa valorem Sacramenti.

31. Non secundum. Nam, ut ostendam cap. 6. art. 1. opinio de confessione valida informi non versatur circa valorem Sacramenti.

32. Scd instat Mag. Hozes num. 20. Nam minus stricta est obligatio recipientis, quam Ministri, in ordine ad consulendum valori Sacramenti; ergo quamvis Minister peccet, non propterea peccabit recipiens. Antecedens probatur. Quia Sacraenta instituta sunt in favorem Fidelium: ergo Fideles possunt renunciare favorem suum.

33. Confirmatur. Nam P. Thom. Sanchez lib. 1. Sum. cap. 9. n. 14. ait: *Nullatenus in charitatem ager (Minister) nec peccabit, si paenitentem cum sola attritione per ipsummet cognita absolvet, sequendo opinionem: probabiliter... quia dolor est requisitus non ex parte Ministri, sed ex parte paenitentis: quare se ipse vult accedere cum sola attritione cognita, etiam se contritus accedere valeat, non sit contra charitatem ei debitam, si ei hoc pacto disposito conferatur absolutio.* Ergo recipiens potest renunciare favorem suum, & Sacerdos non peccabit absolvendo illum sic renunciantem.

34. Respondeo, omissa antecedenti, negando consequentiam: quia etiam obligatio hominis secularis est minor, quam Religiosi, ad observationem Castitatis; & non propterea infertur, quod secularis non peccat violando castitatem, sed quod minus peccat.

35. Circa probationem antecedentis dico, Fideles non posse renunciare favorem, qui eis provenit ex Sacramentis: hic enim favor non est, sicut favores temporales humani, qui fiunt volentibus acceptare. Qui enim

recipit Eucharistia, non potest renunciare augmento gratiae, quod confert Sacramentum ex opere operato. Quin potius cum instituerit Christus Sacraenta ad communicandum Fidelibus fructum suae passionis; eo ipso quod Fideles velint suscipere Sacramentum, peccant graviter contra institutionem Sacramenti, si non adhibeant omnia requisita ad participantium fructum Sacramenti.

36. Ad confirmationem respondeo, veram esse doctrinam P. Thomae Sanchez, observatis duobus. Primo, opinionem de attritione cognita non versari circa valorem Sacramenti, ut supra dixi. Secundo non peccare contra charitatem Ministri, qui absolvit poenitentem, qui vult uti opinione probabili, minus tuta, aut minus probabili, quae non versatur circa valorem: quia dum paenitens est sufficienter dispositus ad percipientium fructum Sacramenti, licet minus perfecte, non potest Confessarius negare absolutionem. Vide quae dixi de hoc punto in 1. part. Cris. Theolog. disp. 11. cap. 13, & in 2. p. in Additioibus num. 14. & 41. & 3. part. disp. 56. num. 1145. Ex hoc autem non inferatur, quod paenitens possit renunciare favorem Sacramenti; nam modo dicto non amittit fructum Sacramenti.

37. Dico secundo. Propositio, quae docet, non peccare cum, qui in receptione Sacramenti vtitur opinione probabili, relieta tutiori, non damnatur expresse. Ratio est: nam propositio damnata non loquitur expresse de receptione, sed de administracione.

38. Dico tertio. Praefata propositio damnatur virtualiter, ita quod ex vi damnationis fulminatae contra primam propositionem, praefacta propositio loquens de receptione manet antiquata, & practice improbabilis. Probatur. Ea propositio manet virtualiter

ter damnata, quæ est incompossibilis cum damnatione, cuius falsitas quo ad præxim infertur ex illa damnatione: sic se habet ea propositio: ergo manet virtualiter damnata. De maiori non potest esse dubium, si penetrantur termini; quia si damnatio infert, illam esse falsam, virtualiter, id est, per modum illusionis, reprobat illam. Vide, quæ dixi disert. i. fine.

39. Maior probatur. Nam tota ratio damnationis stat in eo, quod dicitur licitum exponere frustrationi Sacramentum: sed hæc frustrationæque convenit recipienti invalide, ac ministranti invalide: ergo ex ea damnatione infertur falsitas quoad præxim propositionis id admittentis in recipiente.

40. Confirmatur. Nam antecedens inferens propositionem damnatam, si admittatur esse verū, infert propositionem damnatam esse veram, & consequenter damnationem esse iniustum: sed propositio, quæ admittit, eam frustrationem Sacramenti in recipiente, infert propositionem damnatam: ergo infert damnationem esse iniustum. Probatur minor. Nam ex eo quod recipiens exponere possit Sacramentum frustrationi, infert, quod possit etiam Minister. Nam si semel admittas, licitam esse frustrationem Sacramenti, non est, cur non liceat Minister, & ideo non licet Minister, quia per se est irreligiosa frustratione Sacramenti.

CAPVT V.

*Enumerantur opiniones, quæ vi
huius decreti excludendæ sunt
a præxi circa Baptismum,
Confirmationem, & Eucha-
ristiam.*

SVMMARIVM.

*Opinio de Baptismo collato in digito, in
capillis, &c. non potest licite deduci
ad præxim. n. 42.*

*Opinio de collato in lixivio, iusculo,
&c. nequit licite ad præxim deduci.
n. 43.*

*Neque aliae opiniones probabiles circa
verba formæ n. 44.*

*Neque opinio afferens ad Confirmationem
sufficere oleum olivarum, sine
Balsamo. n. 45.*

*Neque opiniones afferentes ad materiam
Eucharistie, sufficere blähām,
avenam, amyłom, vinum congelatum.
n. 46.*

*Neque opinio, quæ dicit in forma conse-
crationis calicis valide omitti reli-
qua præter prima quinque verba. n.
47.*

41. **N**on est levis difficultas in discernendo, quænam sint istæ opiniones minus tutæ circa valorem Sacramentorum, præcipue Poenitentia & Matrimonij. Ideo operæ pretium duxi discurrere singulatim per omnia Sacra menta circa opiniones probabiles huius generis. Et quamvis non se extendat stylus ad omnes omnino quæstiones, eas saltem tangam, quæ reliquis lucem afferant.

42. Igitur circa Baptismum, & materiam eius proximam, & remotam, quamvis sit opinio aliquorum, validum esse Baptismum factum in digito, aut in alia parte corporis minima; ex vi huius decreti erit peccatum mortale ita baptizare extra necessitatē, quia hæc opinio est minus tutæ circa valorem. Et ob eamdem rationem quamvis sit opinio multorum, validum esse Baptismum in solis capillis collatum, est graviter illicitum deducere ad præxim hanc op-

K 2 nio-